



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ ԱՌԸՆԹԵՐ  
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«19» օգոստոսի 2016թ.

Հասցե՝ ք. Երևան, Մ. Խորենացու 3, 7

ՈՐՈՇՈՒՄ N 1288 /01

**Հարկ վճարողից ժամանակին չվճարված հարկային պարտավորությունների գծով վճարման  
ենթակա գումարը գանձելու մասին**

ՀՀ կառավարությանն առընթեր պետական եկամուտների կոմիտեի աշխատակազմի իրավաբանական վարչության պետ Ա. Մնացականյանս քննարկելով ֆիզիկական անձ Տիգրան Մուրադյանի վերաբերյալ վարչական վարույթի նյութերը

**ՊԱՐԶԵՑԻ**

Համաձայն հարկային մարմնում առկա անձնական հաշվի քարտի տվյալների՝ ֆիզիկական անձ Տիգրան Մուրադյանի /ՀՎՀՀ՝ 25216024, հասցե՝ ք. Երևան, Ավան 3 փող., 31 տ./ հարկային մարմնի կողմից վերահսկվող եկամուտների գծով չկատարված պարտավորությունը 09.08.2016թ. դրությամբ կազմում է 6.102.177 դրամ, որն առաջացել է հետևյալ հարկատեսակներից՝

- ԱԱՀ-ի գծով պարտավորությունը կազմում է 6.102.177 դրամ, որից ապառք՝ 2.395.359 դրամ, տույժ՝ 1.311.459 դրամ, տուգանք՝ 2.395.359 դրամ:

Հայաստանի Հանրապետության կառավարությանն առընթեր պետական եկամուտների կոմիտեի աշխատակազմի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ ֆիզիկական անձ Տիգրան Մուրադյանի հարկային մարմնի կողմից վերահսկվող եկամուտների գծով չկատարված պարտավորությունները գանձելու վերաբերյալ՝ «Հարկերի մասին» ՀՀ օրենքի 29.1 հոդվածով նախատեսված վարչական ակտ ընդունելու նպատակով, որի մասին 13.08.2016 թվականին ֆիզիկական անձ Տիգրան Մուրադյանը պատշաճ ծանուցվել է վարչական վարույթի հարուցման մասին, ներկայացել է վարույթի նյութերին ծանոթանալու համար, չի առարկել, սակայն վճարումներ չի կատարել:

Գանձման ենթակա հարկային մարմնի կողմից վերահսկվող եկամուտների գծով չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր և տուգանքներ:

«Հարկերի մասին» ՀՀ օրենքի 3-րդ հոդվածը սահմանում է, որ հարկը պետական և հասարակական կարիքների բավարարման նպատակով համապարտադիր և անհատույց վճար է: Համաձայն «Հայաստանի Հանրապետության 2016 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով

հարկային պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման: >>

Վերոգրյալի հիման վրա, ղեկավարվելով «Հարկերի մասին» ՀՀ օրենքի 29.1 հոդվածով, «Վարչարարության հիմունքների և վարչական վարույթի մասին» ՀՀ օրենքի 55, 56, 58, 88 հոդվածներով՝

#### ՈՐՈՇԵՑԻ

1. Ֆիզիկական անձ Տիգրան Մուրադյանից գանձել 6.102.176 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ԴԱՀԿ ծառայություն:
3. Որոշման օրինակը եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում «Վարչարարության հիմունքների և վարչական վարույթի մասին» ՀՀ օրենքի 59-րդ հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին, կամ վերադաս վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70-րդ և 71-րդ հոդվածներով սահմանված կարգով՝ ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆՈՒԿԱՆ  
ՎԱՐՉՈՒԹՅԱՆ ՊԵՏ:



Ա. ՄԱՅԱԿԱՆՅԱՆ

Ստացա որոշման օրինակը \_\_\_\_\_

2016 թ

Նշում որոշումն իրազեկելու այլ միջոցների մասին \_\_\_\_\_